

8 Jun, 1981

Dr M nak rasmi kursus politik Pemuda UMNO

ALOR STAR, Ahad — Timbalan Perdana Menteri, Datuk Seri Dr. Mahathir Mohamad akan merasmikan kursus politik Pemuda UMNO Malaysia di Stadium Datuk Syed Omar, Jumaat ini.

Kira-kira 2,000 orang akan hadir di upacara perasmian yang diadakan buat kali kedua di Kedah.

Ketua Pergerakan Pemuda UMNO Negeri, Haji Hanafi Ramli yang juga pengerusi penganjur kursus berkata, kira-kira 400 perwakilan mewakili Pergerakan Pemuda UMNO Bahagian seluruh negara akan mengikuti kursus itu.

Ketua Pergerakan Pemuda UMNO Malaysia, Datuk Haji Suhaimi Datuk Haji Kamaruddin juga akan berucap.

Haji Hanafi berkata, lima kertas kerja termasuk satu darinya oleh Pergerakan Pemuda UMNO Malaysia akan dibentangkan di kursus tiga hari itu yang bermu-

la pada hari Khamis.

Kertas-Kertas kerja tersebut ialah 'Cabaran-cabaran Umat Islam Hari Ini' oleh Mufti Wilayah Persekutuan, Datuk Sheikh Mohsein Haji Salleh, UMNO — Sejarah dan Falsafah Perjuangannya' oleh Tan Sri Abdul Samad Idris, 'Ahli-ahli Ekonomi Melayu Dalam Tahun 1990' oleh Dr. Abdul Halim Haji Ismail dari Bank Bumiputra Malaysia dan 'Masa Depan Pendidikan

Melayu' oleh Naib Cancellor, Universiti Teknologi Malaysia, Tan Sri Alnuddin Wahid.

Kertas Kerja oleh Pergerakan Pemuda UMNO 'Perjuangan UMNO Masa Kini dan Akan Datang' akan dibentangkan oleh Timbalan Menteri Pelajaran, Datuk Najib Tun Abdul Razak.

Menteri Besar Kedah, Datuk Seri Syed Nahar Shahabuddin akan melancarkan upacara penutup pada hari Sabtu.

Bahan asal dari Arkib
Negara Malaysia